طريقك نحو القاعدة الجماهيرية الكبيرة على منصة X ..

هذه استراتيجة لبناء قاعدة جماهيرية على منصة X واهم الطرق لنمو الحساب الشخصي وصناعة المحتوى بأسرع واسهل الطرق :

• الاتجاة الصحيح:

اول شيء يجب عليك بينك وبين نفسك تجاؤب على السؤال (<mark>إيش راح اقدم ؟</mark>) ، اي تحديد المحتوى بمجرد اجابتك على السوال السابق أنت حددت محتواك هل هو تقني او استشاري او صحي او غير ذلك من المحتوى الهادف القيّم .

• البداية:

بعد ماعرفت وش محتواك الان لازم تبدأ بتقديم المعلومات باسلوب كتابي رائع حاول تستخدم (<mark>اللغة البيضاء</mark>) في كتابة المحتوى والاختصار لان الناس في الوقت الحالي تبحث عن الهدف لا تبحث عن بلاغتك او طريقة سردك انت فقط حدد لهم المفيد والباقي عليهم .

• تفاعلك هو نجاحك :

لازم تتابع حسابات بنفس مجالك وتتفاعل في تغريداتها وترد على الناس اللي يطرحون الاسئلة ، و يمكن تقدر تقدم محتوى تحت تغريدة شخص مؤثر بنفس مجالك مثلا اذا كان تقني وتحدث عن اليوتيوب قدم قنوات هادفة وتكلم عنها بإسلوب النصح وانك استفدت منها وتحرى الصدق في كلامك عشان ماينفر منك الجمهور لان الكذب لو طلعك بين الناس ماراح تستفيد منه وراح يضرك .

• لغة الارقام

دائما يوم تكتب محتوى خل العنوان اول بداية التغريدة فيه ارقام مثلاً 10 تطبيقات للاستفادة من كذا وكذا او 1000\$ يكسبونها الناس من التطبيق كذا وكذا ، الارقام لها سر عجيب في خوارزميات ظهور التغريدة للناس قي منصة X وغالباً الناس تجذبهم الارقام الخيالية رغماً عنهم

• ترتيب المواضيع والاختصار

لازم ترتب موضوعك قبل تنشره وتخليه مختصر قد ماتقدر حتى لو اختصرته على تغريدة واحدة تراه مفيد لان الناس تكره كثرة الكلام ودائما الناس يوم يشوفون تغريدة وحدة يدخلون عشان يشوفون التعليقات اللي تحتها اما اذا صارت سلسلة تغريدة مثلاً 10 الى 20 هذي طويلة ولا راح يكملونها الا نادراً لذلك اختصر واوجز حتى تنجح .

• الصور والفيديوهات

دائما ادعم محتواك بصور ومقاطع قصيرة مختصرة والافضل انك تصنع لك هوية بصرية تستخدمها في حسابك لإن لذلك تأثير كبير على حسابك وعلى جذب الجمهور له .

• لغة التجربة

يوم تبدأ في كتابة المحتوى اكتب تجربتك لو تلاحظ انك اول ماتجي بتغرد في اكس تحصل عبارة (<mark>ماذا يحدث ...)</mark> العبارة هذي هي السر الأساسي للناجحين لذلك اكتب من خلال تجربتي المتواضعة او اكتب سويت كذا وكذا وتفاجأت انه صار كذا ، خل الحديث عنك انت شخصياً لاتستخدم اسلوب القدامى (<mark>حدثني احد الأخوة</mark>) لانك لن تنجح .